

24. maaji 2022

UPA2022/32

SIK-p Isumaginninnermi aningaasaateqarfiata ileqquatut, utoqqalinersiallit, siusinaarluni pisartagallit, Aalisartut, piniartut, suliffissaaleqisullu, peqqissartut aningaasaateqarfissaannik pilersitsisoqarsinnaanersoq pillugu apeqquteqaat aallaavigalugu oqallinnissamik siunnersuut. (Inatsisartunut Ilaasortaq Agathe Fontain, Inuit Ataqtigiit)

Oqaluuserisassatut siunnersuut imm 32, tassalu **SIK-p ataani isumaginninnermut aningaasaateqarfimmut assingusumik pilersitsisoqarsinnaannginnersoq** pillugu, Agathe Fontainip oqaluuserisassanngortitaanut qujalluta, Siumumit ima oqaaseqassaagut.

Tunngaviatigut Siumumit paasilluarparput inuit nappaatinik eqqorneqarsimasut nunatta avataanut peqqissariarnerminni qanigisamik **ingiaqateqarsinnaaneq pisariaqartissinnaammassuk**, - soorunalumi **napparsimasumut toqqissisimanerussasoq** kialluunniit apeqqusersinnaagunangilaa.

Oqaluuserisassatut siunnersuummi maluginiarpara, - **aalisartut umiatsiaararsortut, aalisariutinilu inuttat, utoqqalinersiallit, suliffissaqanngitsullu** - SIK-mut ilaasortaangitsut – aningaasaateqarfiliornikkut aqqissuussisoqarsinnaappat ilanngullutik periarfissaqartinneqalissasut ujartorneqartoq.

Nalilersugassanut ilaasussatut isigaara, inuit qulaani taakkartukkagut inunnut **isumaginninnerup ataanni assingusumik pinsinnaatitaaffeqareernersut**, aamma kattuffiit allat ilaasortaminnut siullullutik pisussaaffeqannginneresut - isumaqarpungalu periarfissaq pineqartoq pillugu pisariaqassappat **Inatsisit pisariillisarneqarnissaat ilanngullugu eqqarsaatigisariaqartoq**. Immaqalu ullutsinnut inuiaqtigiinnut nittartakkat allallu tusagassiorfiit atorlugit qaammarsaassutigineqalerpata **periarfissat** tamanut erseqqinnerulissasut.

Taamak oqareerluta **Siumumit SIK nersorusupparput** - taamak aqqutissiuussisimammatt. Soorunalimi aamma **kattuffiit allat** taamak



aaqqissuussisinnaagalarpata - isumaqarpugut aamma taakku
ilaasortaminnut aqqutissiuilluassagaluartut.

Taamak Siumumit oqaaseqareerluta Inatsisartuni ilaasortap - **Agathe Fontainip**
oqaluuserisassatut qaqitaanut qutsavigeqqipparput. Inatsisartullu
oqallilluarnissaanik kissaallugit isummat tusaanissaanut qilanaarpugut.

Aslak W. Jensen, Siumut